

مجموعہ ابوالضیا

ماسوا شاہ سمن دلی تطویرہ چالش
پرتو حکمت و عرفان ایلہ تنویرہ آتش

فنون و معارفدن بحث ایدرہ و ہر ماہ عرفی ابتدائیلہ اون یشتادہ نثر اول نورہ

نومرو ۵ [فی فروردی القعدہ سنہ ۱۳۹۷] نسخہ سی ۳ فروش

فلان کیمسه نك آياغي، الى وياخود سائر اعضاسي قطع اولندي؛
 ذيلوب ينه مقطوع اعضانك نفسنه اشارت اولتور. ديمك اولدي كه
 انسان بو هيكل وجئه دن عبارت دكلدر. وحيات و مماتي ديمك جولان
 وفراغنه مخصوص اولهمن؛ زيرا (دم) اخلاط اربعه نك بريدر. اخلاطك
 قغيبي اولسه وجوددن تماميله افراغ اولتديغي حالده تن معطل اولوب،
 موت طارض اولمز. روح ابدى و باقى « قل الروح من امر ربي. » در.
 « اقبل على النفس واستكمل محاسنها
 فانك بالنفس لا بالجسم انسان. »

چو جوق بيوتكم

(فصول اربعه يه تقسيم اوليندر)

موجودات كاشاندين بر جزؤ اولان انسانك هيئت عموميه كاشانه طارض
 اولان انقلابات موقونه و مزمنه دن متأثر اولسي مقتضيات طبيعتدن اولد -
 يغي ارباب فن نظرنده محتاج اثبات دكلدر .

آحاد ايچون بر اثبات لازم ايسله، او حالده كوكلكرك آچيق و مفرح
 هوالده منبسط و قىالى و قسوتلى هوالده منقبض اوله كلديكى ملاحظه
 اينجه مسئله يي كندى عندلنده كنديلري اثبات ايله جكلرندن امير .

احكام فطرى - ولو يك سطحى اولسون - تدقيق ايله اشتغال ايتش
 اولان آدم ييله بيلير، كه بو قارىكي فقره ده بحث اينديكمز تاثر مواليدك عمومته
 شامل اولهرق، با خصوص جله دن زياده متأثر اولانلر هر نوعك عهد
 ريعاننده بولنانلردر .

هنوز مخلوطاتى لايقيه تركب ايتامش بر معدنك قواى سائر نك اختلا -
 طيله در حال طبيعتى تغير ايتك ممكندر؛ فقط بونجه سنه لك بر معدنك تغير
 ايتكلىكي بك قولاي ميسر اولهمن .

تازه بر فدان، سرد بر روزگار ایله قوریوب کیدر؛ فقط بر قاچ یوز
 ستمک بر چنار پک سرد، پک شدید بورالره، فورطنه ره مقاومت ایدر .
 حیواناتک یاوریلرنجه تلفاتک بالنسبه زیاده اولمقلخی بنه بو دستور
 طبیعی احکامندندر . انسان که الک نازک حیواناتدن معدوددر؛ بونک
 فی الحقیقه کلدن ده نازک اولمق لازم کلان یاوریسنک انقلابات کونیه دن
 نه قدر متأثر اوله بیله جکنی نظر ملاحظه یه آلمق اقتضا ایدر .
 سوزومز بزجه دکل ! زیرا بز طاع پارچه سی کبی بر قوجاق یکیدک
 دوریلوب کتمسنه اکثریا متأثر اولور سه ق تأثر می «توه !!» دیه ایکی
 دوداغزی تحریک ایله اظهار ایدرز . بوجهته شمدی به قدر شو مسئله بی
 نظر دفته آلاماش اولدیغیزدن طولانی معذور صابله بیلیرز . حال بو که
 اقوام متمدنه اطفالنی هر آفتدن قوریمق ایچون بونلرک اوزرینه فصول
 اربعه نلک تأثیرات مخصوصه سنی موازنه به قدر دقت ایدرک، اسباب تحفظنی
 و - چونکه مواسمک بعض تأثیراتنده فائده دخی بولندیغندن؛ بونلرک ده -
 طریق استفاده سنی کوسترمشلردر .

بزده اونلرک بالتجربه موفق اولدقلری کشفیاتی خلاصه طریقیه
 اولسون مجموعه مزده ذکر ایتک هوسنه مغلوب اوله رق، اوبابده لازم
 کلان و صابانی فصول اربعه اوزرینه تقسیم ایتکی مناسب عد ایلدک .

فصل بهار

فصل بهاری کندی علو فکرلرینه کندیلری دخی حیران اولان شعرا
 درلو درلو منظومه ره توصیف و تالرنده شاعرانه مبالغه و اطرا ایدرلر .
 بالکز عثمانلی شعراسی دکل؛ شاعر دیدکی ! شرقدن غربه و شمالدن جنوبه
 قدر هر ملتک شعراسی بردر . اختلاف لسان، اختلاف طادات بالکز
 اختلاف الفاظ و اوصافی موجب اولور؛ بوقسه خیال هر یرده خیال
 و آنک تعریفی صدندنه بولمقی ایسه بو بحثده ده هر مجتمده ده وبالدر .

عند الشعرا بهار عهد جوانینک مثالیدر؛ افکار شاعرانه بی بدرجه به
 قدر حکمتله مزج ایدن ذوات عهد جوانی کبی بهاری دخی حیوة تازه نك
 مبدائی عد ایدرلی . حاصلی هر بری بو یولده بیک درلو توجیهانده بو -
 نورلی .

نه چاره که تعریف ایتک ایسته دیکمز بچنده صحت اطفال نقطه نظر -
 ندن باقدقجه موسم بهاری حیاتک عد واکبری کورمکده بز .

مارت نه یسه نه ! نیشان ایچنده کیچه لک - انسانک کندی هوسندن
 عبارت اولان لطافتله مستور وسم قائل اطلاقه سزا - اورطوبتلی

صغوقلرینه دقت ایدلدیکی وارمی ؟ هله کوندوزلی کیچه نك برودنه
 مقابل اورته لغی استیلا ایدن حرارت نه قورقوله حق برشیدر؛ بیلیرمیسکز؟

باخصوص صباحلرک و اقشاملرک یوزه کولجی لطافتلری نه ایکی یوزلی
 و دوست باقشلی بردشندر؛ فرقنه واردیکزمی ؟ برسی یوزه کوله رک

برآن صکره انسانک جکرینی یاقار؛ دیکری اظهار ابتدیکی ریشخند ایل
 انسانک طمرلنده کی قانی قوریدر . کندیکزی بیله بودشمنه قارشی احتیا -

طلی طومغلیسکز !
 هله دوستی، دشمنی طایبق شانندن اولیان وهر کوردیکنه معصومانه

تسملرله تأمین خصوصیتیه چالیشان جکر پاره لرکزی کندیکز محافظه ایدیکز .
 بهارک لطافت کاذبه سنه قایلوب ده طباق کبی آچیلان ازهارک اکثر -

یت اوزره او غدارک خشمینه اوغرابه رق، تبه اولوب کندیکی معلومکز
 دکلمدر ؟ یاسزک یاورولرک فطرة ازهار نو شکفته دن نه فرقاری

وارد ؟
 حیف او آدمه که سهام بهاره قارشی ذره مثابه سنده اولان البسه شتا -

بده سنی تخفیف قیدنده اوله !
 دوست یوزندن کورینان دشمنک تمقلرندن دخی استفاده کار صاقلدر؛
 اوله ایسه بوموسمه کوندوزلرک حرارتلی ساعتارنده فقط البسه جه

محافظه به اعتنا شرطیه چیقوب ضیای شمسه عرض وجود ایتکز فائده -
 دن خالی دکلدن . چو جوقلر کزی دخی کونشه چیقارمقله برابر، کوندوزک
 هانکی ساعتده اولورسه اولسون او طه ایچنه کیرن ضیای شمسه عرض
 ایتک اطفال ایچون فائده لیدر . باخصوص بکرسر و چهره سی صولوق
 چو جوقلر ایچون بوندن ائی علاج اوله مز . جریان دمه سهولت، اعصاب
 به قوت، و باخصوص لون و جلده طراوت بخش اولور .
 سودله بسلنان چو جوقلرک سودلرینه پک آز شکر قانق «آرپروت»
 ورنج اونی قیلندن اولان مطحونات نباتیه یی حرارت و یرمیه جک قدر
 طانلیلا قانق تصفیة دمی موجبدر .

فصل صیف

صیف حقنده شاعرلرک تفوهاتی هیچ دیکلنر؛ چونکه نه حکم و نه
 جکلیرنی کندیلری ده بیلنر . رساملرک صیفی تصویر ایدن لوحه زنده ایسه
 میران احراره دن بشقه بر شیه اولچلمسی ناقابل اولان هوانک شدت
 حرارتی شدت ضیالوانته مستغرق بر حالده ارائه چالشدقلری کورینور .
 بونلر بزم وظیفه مزدن خارج شیلر ! بز بختمن ایچنده احکام طبیعتدن
 استحصال فوائده چاره نخری ایدلم . و حرارت صیفک بعض چیکلری
 الک کوزل الوان ایله تزین ایلدیکنه و بعض میوه لری کاله ایدر دیکنه
 و بونلکه برابر بعضیلرینک دخی حیاته قصد ایلدیکنه باقوبده عبرت آلام!
 حرارت، حیوة ماکنه سنه قوت و یرن بر ماده در؛ انسان یازین دها
 کنیش، دها چابوق نفس آلیر . اقتضاسنه کوره بالطبع ترله سی وجو -
 دینی متوازن و معتدل طوتار . قائنده «اوقسیرهن» چوغالیر . هله چو جقلر
 قیش و بهار موتمنده استعداد پیدا ایلدکلری خسته لکلره حرارت صیفک
 سایه لطفنده غلبه ایدرلر . بناء علیه کندیلرینی صیجانغه قارشی پک یور -
 مه ملی و حددن زیاده ترله لرینه میدان ویرله ملی در .

چو جوقلر كزك بازين هيچ خسته اولمه ملري مطلوب ايسه هر كون ييقا-
مغه، هر كون چماشيرلريني دكشدير مكه اعتنا ايديكز !

يازه مخصوص خسته لكر بوق ظن اولمسون؛ واردر؛ همده اكثر يسي
وخيمدر . بو خسته لكر ك مصدر ومنشائي ايسه معده در . چو جوقلري
يازين سوددن ممكن مرتبه كري چكه لي . برينه آريوت كي، پنج اوني كي،
حبوبات مطعونات و برمه لي؛ ده ايوكلريني چوق يمش بمكدن منع ايتلي؛
زيرا پك ابي ييتلي كه انساني بسليلان غذا دكلدر .

چو جوقده جزوي اسهال علامتي، ادنا مرتبه صتمه اماره سي كورديكز
آنده طبيبه قوشكز ! والاصل ياز حقنده چو جوغك معده سندن بشقه
برشيدن قورقيكز .

باقكز بر طيب كامل نه ديمش :

« انسان يديكيه دكل هضم ايتديكيه بشار . »

بزم بر ضرب ملزده « جان بوغازدن كلير ، » ديتلشدرد . حالبو كه جان
بوغازدن كليوب، معده دن كلير مش اما بز اوقدر درينه عقل ايرديره ما-
مشز .

يازين چو جوقلر كزي اكلنجهدن، شوق و شطارتله كزوب بورومكدن
مفع ايتيكز؛ چونكه بر چو جوغك انبساطنه خدمت آنك ياز اكلنجهدرينه
مساعده ايله اولور . صباح واقشام كونشلرنده كزدير كز، اوكله صبحا
قلرنده كولكله زده بواندبر كز . باخصوص اوكله دن صكره اوبو نمغي معتاد
ايديكز . نوسالهلر بالطبع اويورلر سده درت بش ويا آلتی يدي باشلرنده .
كيلري ده اوبو نمغه غيرت ايتمه ليدر .

فصل خريف

حكمجه كوز موسمي بهارك مقابليمش ! شاعرلر، فلانلر بويله سويلرلر .
سز بوقوللره اينانميكز ! حتي اينانق دكل قولاق بيله ويرميكز . چونكه

عالمده شعر و خولیا ایله دکل احکام مواسمی تتبع و مقتضیات طبیعتنه اتباع و اعتنا ایله یشاتور .

فصل خریف، اوزوم کی، کستانه کی، جوز کی، انسان ایچون غذا عد اولنه ییله جک برچوق یشارک موسمیدر . کوز موسمی بهار کی شتاتک برودت زهر آلودینی زیر دامننده اخفا ایتز . یازک محض صحت و طافیت اولان حرارتک بقیه معتدله سنی حفظ ایار .

چیقکز ! کزیکز ! یورویکز ! چوجوقلر کزی ده چیمقاروب، کز دیریکز ! مدار حیوة اولان مصفا هوای تنفس ایتدیریکز ؛ فقط دهره بتون بتون ده اعتماد ایتیکز .

دهرک انقلابات فطریه سنی تمامیه مدار زندگی ظن ایتکله خطا ایدیورز . زیرا بزم نه معصومیت و طفولیتزه شفقت ، نه اوان شبامزه مرحمت ، نه ده شیخوختمزه حرمت ایدن جلاد دخی او انقلابات ایچنده مختلف و موجوددر . خریفک یاغورلی کونلرنده رطوبتدن کندیکزی صفاقنی کرکدر ؛ چونکه ریعک رطوبت بارده سندن زیاده خریفک رطوبت حاره سندن اجتناب ایدلی در .

بوموسمه کیجهل اوزانمغه باشلار ؛ چوجوقلر کزک اعصابی سکز اون ساعت متمادیا او یومغه متحمل دکلدر . کیجه یاریسند او بانیلز . اوزمان ایه معده لوی بوشدر . کندیلری ایچون خفیف بر کیجه طعمی حاضرملق الزمدر .

خریفک صوکلری انسان مزجه سنک اک رواجلی بر دمی دیمکدر . قوتلی کینهلی، اوشومامکه، غلنمماکه یک زیاده دقت ایتلی . یا چوجوقلر- کزی اوشومماکه، غلی بولندیر مامغه نه قدر دقت ایستر !....

چوجوقلره خفیف و یاغسزات صوبی و برمه لی . شراب ، واقعا شرابک فائده سی منکر دکلسه ده ، مضرتی فائده سندن

اکثر اولديغندن نفعندن جزوی استفاده الزم، وچوچوقلرک صوینی آنکله راز قیرارتمق طبعه انفع ایسه ده بز حسب الدیانه بویه بر توصیه به جرأتدن زبان خامه مزی محافظه ایدرز.

فصل شتا

قیش انسانی کرک ماده و کرک صیحه دتره نه جک بز موسمدر. بختیاردر او آدم که محفوظجه بر خانه سی، غنچه بر آتشی باخصوص رابطه لیجه البسه سی اوله.

فقط قیشک بو عالم مصائبه عربان کلان چوچوق، دنیانک عجمیسی اولان اوزواللی معصوم تدارکنی کوروبده کلامشدر. تدارکنی سز کوریکز! (فانه لا) ز، صیحاکی بشیکلر تدارک واحضار ایدیکز. شو سوزی اهمیتله دیکلیکز که بر طیب حاذق سویه مشدر؛ «صغوق یکی طوغان چوجغک عزرائیلی در.» بر نایه اهما ایلک، بر نایه چوجوغی صغوغک پنجه سنه ترک ایتک جانته قصد ایلک دیمکدر. بیوجک چوجوقلری ده بو اهمیتدن دوشورمیکز! صفه زده قوشوب، ترلیوبده طیشاری چیمه زی مشیه مادر دن بو صغوق دنیایه کله زدن فرقلی بر شی دکلدز.

قیشین یتاغنده چوجوقلری تری بولندیرمق پک اعلا در. اما کیجه یاریسندن صکره او شتلمک شرطیه. کیجه صحتلریته چوجوق کوتور - مکه هوس ایتمه ملی؛ زیرا خانه زده عودنده بالطبع بیوکلر قدر کنسیدیلرینی محافظه ایده میه جکلرندن، کیجه نک او شدید آوازندن صیحاقله انبساط ایدن کورپه وجودلری پک تیر متأثر اوله رق وخیم خسته لکله استعداد حاصل ایدرز.

هاله بوراده الک زیاده اجتناب اولنسنی توصیه ایده حکمزشی طاندیر (تنور) در. بیلیرمیسکز طاندیر نه در؟ شرنندن دامن حایتنه التجا ایلد. یککز صغوغه سزی ایستدقدن صکره تسلیم ایدن بر واسطه در. حیا - نکز عندکرده قیمنلی ایسه شو عجوزلی بو واسطه صوقولقدن حذر ایدیکز.

پدر و والدہ کہ اولادینی خیالی بر قورقودن سینہ لینه باصارلر .
صغوق کبی مادی و جانخراش بر قورقودن محافظتہ یورکلرینہ صوقسہلر
بجادر .

قیس بمکلرندن هیچ بریسی قورقیلہ حق شیردن دکلدر . کوچوک
چوجوقلرک ات صولرینی دھا قونلی یامقده فائده واردر . نو سالہ لہ
پرئج اونی و آریروت قیلندن شیر و برمکدن ایسه اینک سودی واک اعلا-
سی (آنا سودی) ویرمک مر حجدر .

دیوژنه منسوب بعض اطوار و گفتار :

دیوژن کندی هوسسات نفسانیہ لینه مغلوب اولدقلری حالده ،
دعوی حریتده بولنائلرہ در ایدی کہ : « اینچکزده اویله آدملر کوریو -
رم ، کہ نفسانری الئده اسیر ایکن ، ینہ کندیلرینی حر عد ایدرلر ؛ ابتدا
نفس خالبه نیک پنجه اسارتندن یقالرینی قورتار سینلرده بعدہ حریت دعواسی
سورسونلر . »

مشار الیه نفسی هر درلو فضائل انسانیه بی حاجی بر دشمن قوی عد
ایلدیکندن ، کزدیکی ، یوریدیکی برلده رموز و کنایات ایله نفس و هوا
مغلوبلرینہ سنک انداز طعن و تعریض اولور ؛ و کندیسی ایسه افعالی اقوا-
لنه توفیق ایدرک ، بریش ایله بر طعارجق و برده عصادن بشقه محتاج
ایله طائیز ؛ و هر شیئی کمال نفرته رد و تحقیر ایلر ایدی .

دیوژنک الک زیاده منفوری اولان شی انسانلرک کبر و عظمتلری
ویهوده آرایشہ مفتون و بناء علیہ مغلوبیتلری ایدی ؛ کندیسی ایسه
فضیلت صحیحہ نه اولدیغنی محاکات فیلسوفانه ایله تعیین ایلدیکندن ،
عصرینک هر درلو عادات و اخلاقی شدتله تزییف ایدردی . حتی حکیم
معهود فلاطون مثلا مکلف سفره لده طعام و طای بنا و کاشانه لده بیتونت